



PAENITENTIARIA APOSTOLICA

Prot. N. 52/12/I

B E A T I S S I M E P A T E R ,

Ioannes Marra, Archiepiscopus Administrator Apostolicus Urbevetanus-Tudertinus, fretus Divina Misericordia, recolens ingentia beneficia spiritalia quae Annus Eucharisticus christiano populo obtulit, humiliter a Sanctitate Tua plenariam implorat Indulgentiam a mense Ianuario MMXIII usque ad mensem Novembrem MMXIV ad instar Iubilaei consequendam, fidelibus qui sive Volsiniensem Sanctae Christinae Basilicam sive Urbevetanam Basilicam Cathedralem pie invisent diebus, in quibus peculiaria devotionis exercitia cum magno populi concursu peragentur ad sacrum celebrandum anniversarium DCCL, ex quo in ipso Volsiniensi templo celeberrimum contigit Eucharisticum Miraculum et Urbeveti festum institutum est Corporis et Sanguinis Christi a Summo Pontifice Urbano IV per Bullam, quae incipit "Transitus".

Ex his sollemnibus celebrationibus, enixe confidit Exc.mus Orator christiana professioni et vitae suorum fidelium magnum esse obventurum emolumendum. Quo autem idem fideles impensius ad agnitionem et amorem ineffabilis Fidei Mysterii incitentur et inde ubiores usque spiritales fructus hauriant, apprime iuvabit Indulgenciarum donum, testimonium paternae benevolentiae Sanctitatis Tuae, et incitamentum ut solidetur in tota Dioecesi hierニックum et filiale vinculum erga Sanctitatem Tuam et erga proprium Sacrorum Antistitem. Et Deus, etc.

Die XIII Martii MMXII

PAENITENTIARIA APOSTOLICA, de Summi Pontificis mandato, *plenariam* largitur *Indulgentiam*, suetis condicionibus (sacramentali confessione, eucharistica communione et oratione ad mentem Summi Pontificis) rite adimplitis, a christifidelibus vere paenitentibus lucrandam, quam etiam animabus fidelium in Purgatorio detentis per modum suffragii applicare possint:

- a.- quoties sollemnibus celebrationibus iubilaribus pie adstiterint;
- b.- quoties sive Basilicam Sanctae Christinae in urbe Volsinio, sive Urbevetanam Basilicam Cathedralem, in forma peregrinationis inviserint et ibi vel spiritualibus inceptis in honorem Iesu in Ss.mo Sacramento praesentis devote interfuerint vel, saltem per congruum temporis spatium, piis considerationibus vacaverint, concludendis Oratione Dominica, Symbolo Fidei invocationibusque Beatae Mariae Virginis.

Pii fideles, senectute, morbo vel gravi alia causa impediti, pariter *plenariam* consequi valebunt *Indulgentiam*, si, concepta detestatione cuiusque peccati et intentione praestandi, ubi primum licuerit, tres consuetas condiciones, anniversariis functionibus se spiritualiter adiunixerint, precibus doloribusque suis, vel incommodis propriae vitae, misericordi Deo oblatis.

Quo igitur accessus, ad divinam veniam per Ecclesiae claves consequendam, facilior pro pastorali caritate evadat, haec Paenitentiaria enixe rogat ut sacerdotes, opportunis facultatibus ad confessiones excipiendo praediti, in utraque Basilica, prompto et generoso animo, celebrationi Paenitentiae sese praebeant.

Praesenti totum per spatum Iubilaei Eucharistici Urbevetani-Tudertini valituro. Contrariis quibuscumque minime obstantibus.

EMMANUEL S. R. E. Card. MONTEIRO DE CASTRO

Paenitentiarius Maior

+ *Joannes Franciscus Girotti* *O.F.M. Conv.*

† *Ioannes Franciscus Girotti, O.F.M. Conv.*

Regens